

ANI INSA'NEE EEYYAANNEXXA KULLE!

Mageni Ati'aa Afeexxa Jaalala
Illetixxe Baneshanni Alfa



JOYCE MEYER

NEYOORIKI TAYIMSI LAAKKOOSA 1KA BORREESANJO

Unless otherwise indicated, all Scripture quotations are taken from
THE AMPLIFIED BIBLE: Old Testament.

Copyright © 1962, 1964 by Zondervan Publishing House
(used by permission); THE KING JAMES VERSION; and from
THE AMPLIFIED NEW TESTAMENT

Copyright © 1958 by the Lockman Foundation
(used by permission).

Copyright © 2014 by Joyce Meyer Ministries – South Africa

All rights reserved. No part of this publication may be
reproduced, distributed, or transmitted in any form or by any means,
or stored in a database or retrieval system, without the prior written
permission of Joyce Meyer Ministries – South Africa.

Joyce Meyer Ministries – South Africa
PO Box 5, Cape Town, 8000

Phone: +27 (0) 21 701 1056
Website: www.joycemeyer.org

Go to tv.joycemeyer.org to watch Joyce's messages in a
variety of languages

Tell Them I Love Them – Gedeo
Not For Resale

UMO YAADA QOOLA

Hegeretixxa

1. Mageni Atee'e Eeyya'neen!	4
2. Ani Dhanfateenne?	9
3. Jaalala Mittummaten	15
4. Jaalala, Addatenshanna Adde	20
5. Soda'at Gadho Kada	25
6. Jaalala Weleke'e Heddaan	29
7. Mageniinxi Jaalala Aatee'e Jijjiirtaan	34

Fayyuntetixxa Kadha

Mageniinxe Jaalalanni Joyisi

HEGERETIXXA

Manjokee'e Mageniinx e jaalalaxxi banensha feeteexxe yaane irri darre hasissaaxxa addatannon. Tinninna kiristinniinx hedhoxxe injiffachcho'a hundaayye kaddeexxa addatannon. Mageniinx jaalala'a hasisaaki sammotike beekkumabaan. Hasissaaxxi, ille ulfinni qullichchixxe baneman. Tinninna uwwendaaki ulfinni qullichchi calliniten. Uwwendaakinna mitte mitte addateeleeyye Mageniinx jaalala hendeexxi herrengaa wodda ifixxe hedho'n Mageniinx jaalala uunda woddanna tenne ulfinni qullichchixxa banensha Mageniinx hiyyaninna kadhati hansaa woddan.

Iyyesuussi butta duuchchi'a reyaa wodda Mageni isoo'o ergeechchi butta eeyyeemmaxxe kaddeexxa qaabbachcho rakkissabaan. Tenne butta'n hexxaatteki atee calla kaddettele Mageni eeyyammaxxee ati'aa calla reyeeshsha addata rakkissaaxxe kaddabaan.

Yo'oxxe adde woxisaaxxe addetixxe hedhonni turennechchi Mageniinx jaalala hubata dande'ennen. Mageni ulfinni qullichchiinx buutonni badhaadhakenaa'n kexxeexxa jaalala Isixxa ani'a leellisheen. Tinni banensha duuchcha hedho anixxanna tarkaaffachcho anixxa jijjiiriteen.

Konne maxaafa yaansisinaa wodda Mageniixa jaalala uuddaaxxe'n harooxxa hubachcho alfitinaan hiyyee addatannon. Alfitineexxi hubachchonna ulfinni qullichchiinx banensha Mageniinx jaalala uuddaaxxa giddixxa halcha daddaan hiyyee addatannon. Maxaafa konnee salaliki yaansisinaashshanna kipa maxaafa aasitineexxi la'offatino'a, Mageni hiyya heddinaashsha itti aanaake qoola'n alfitinaaxxa barachcho mi'lachcho assitinaashsha gorsaannen.

Konne maxaafa yaansissinaashsha keesusanno wodda hara lumoke ulfininni Isibelo mitte yaane kaddabaashsha hubachchoti Mageniinx hiyya uuddaaxxa mitte ille ulfinni qullichchiinx belo yookin hubachcho hexxoolenna. Isike badhaadhanaa'n kexxeexxe kaddeexxa hubachcho anxe gaabben.

1

MAGENI ATEE'E EYYA'NEEN!

“Iso’n addataaki duuchchi hegeretixxa hedho hedhaashsha malee’e ba’abaashsha Mageni mitteechcho belto Isika uwwat butta iitta eyye’en.”

- YOHAANNIS 3:16

Mageni mini hado Isika hasammaxxee oose. Isixxe kandannoshsha asse’en. Mageni oosetishshate malee’e annoole kondonna’a hasabaan. Yaane kinni, Isi hasa’neek oose Isixxe kondonnaaten. Iso’n irkifantannoshsha, kiphemannoshanna foofantannoshsha hasa’neen. Iittan kinni, no’onna eeno, Isinna eeyyaashsha hasa’neen. Mittichchinna no’o’aa hasisaachchi hedhaa wodda, Iso’n adde asseecat Isibaa dangannoshsha hassaan. Isi ha’noonni welt mittoomma dadatee hasa’neen.

Heddi no’oki Yohaannis 3:16 uundaannek ba’laxxe tikan. “Dhugaanden, Mageni butta duuchchi’a reyeexxa egenneennen” hinaannen. Yaane kinni Iyyesussi duuuchchinke ardi’a callabaan, Isi mitte-mitte no’onge’e reyeen. Isi ati’aanna reye’en!

Tenne butta’n hexxaaxxeeki atee’e calla kaddetele ati’aa calla reyaamman. Ati’aa calla tennee duuchcha bake adhdhaamman. Isi ati’aa reye’en. Duuchchi woddixxe jaalalanna haranga yo’oshsha eeyyammaxxeeten.

Mitte barra kaamolet me’aa’na Mageni anixxe hedhon iitta hiyyeen. “Joyisi Ati ani’a illetike illichchon.” Kunni yaadi Woyyichchi maxaafi giddo hedheexxa edi wodda eg’neenabaan. Duriisikinna ikki woddi mitte yaada aadheexxi dageen. Tinni haranga birasaxxeexxe hollabaa abbo! “Isi aboo ati aate” hiyyeen.

Okkoo'n ifibaa hingat "iitta heda hasisammabaan" hiyyennen. Ifinni gargar hedheeki manni dandeenno uwwendeeshsha gargar hedheeki manjo assineexxi heda no'oke maalixxe hedino wel gibaaxxe kaddaan. Mitti-mitti no longer if gargar he'nenneshsha and nokenni dademennen.

Konne umo yaada'n hede-herega'n hedhee'na, Mageni mitte dikkot galmi giddo burtukaane hirtaaxxa manjichcho hedino, hedannoshsha asseen. Manjichchotinna duuchchiinxu yaane uuddeechchi uduma duuchchiinxenaa'n saxxaaxxa adhdhiteen. Tinni kaddaa wodda, Mageni kulemmashshanni ani Isi'aa dancha burtukaane kadeennen hiyyoten. Ani Isi'aa gargar hedhenneke manjon.

Kunni toggichcha jechcha kada gopha dande'aan. Yaane kinni Mageni mitte-mitte no'ongee hiyya'neexxi tennenden. Mageni haaso'ate'n hedheexxi. Ati elokenna manbe'a hiyemaake manjo kaddetexxa weli manni kinni haranga la'o afebaan hiyyotebaan. Isi haaso'a'neexxi duuchchiing no'o gargar he'nenneke kadeenexxen. Tinninna Mageniinxe, hiyya giddo hexxeexxen. Mageniinxe hiyyaninna duuchchinge uwwendeexxen. Ati Mageniinxe illeke illichchon.

Umo ankee eloxxa yaane hedennechcho labbammalenna anxi gid donna ifi-qortammale, Mageni haaso'eexxa yaane adhdhebe'non. Lame barra uduma Woyyichcha maxaafa bananno wodda ille anxi faarotika maxaafa 17:8 hubateen. Mageniinxi hiyyanna anee'e, Iima uuddeen. "Illetike illichchiinsha heqqi, keela atiken anee buq!" "Hitta manbe'a hiyyisaake jechcha." Tenneeqqa haaso'eeke Magenoken. Ani Mageniinxe illeke illichchon hiyyennen. Tennee hedanno wodda qeerraaxxe yanna'a ani gargarike manjo kadenneexxa ane'n laqendaamman.

Manji hedino eeyyemmatixxa gaabbenna halcha afeechchon. Mageni dadaa wodda, iitta kandannoshsha herregeeten. Yo'oki manni Mageni Iyyesuusinna buttatanna eeyya'neexxa

addataan. Kaddomalee, insa'ne'e eyya'neexxa hubachchote'e rakkantaan. Kaddoolenna, hiyya barachchiixi Mageni Iyyesuussi eeyyammashshanni duuchinga eeyyaa'neexxen. Isi Iyyesuussi eeyyammashshanni ateenna eeyya'neen. Yohaannis: 5:20 units.

“Mageni Aabi Iyyesuusi eeyyaan. Assaaxxa duuchcha leellishshaan. Ha'noonna manbe'a hitinaashsha tennenaa'n saxxeexxa huje Isi ha'noo'n leellishshaan.”

Kaba Mageni iitta hiyyat haaso'ate'n hedheen. Tenne jajjabba yaane kaddaaki Iyyesuusi darree'niten. Duuchchiinx a manbe'a hitinaashsha Isi darree'n assannon (Borreessanjotik jechchi). Mitte kaddeexxe yaane'n manbe'a hiyya Mageni assaaxxe yaane'n dinqi hiyya egendeette?

Tennee labbaaxara maxaafi qullichchinx a kutuwwa yaansisannon. Kaddolenna yo'oxxa Mageni no'o'aa assaaxxa yaanuwa qaabbataabe'non. Iyyesuusi darree'n asseexxa haranga lumollamma hujuwwa uodat dinqi hinannoshsha. “Mageno!!” “Iyyesuusi darre'n assitetexxi yaane manbea'ken,” hinannoshsha hasaan. Okkoo'n Yohaannis maxaafa'n 14:12 marrenneexxi Iyyessussi iitta hiyyeexxi haaso'eexxa yaansisannoshsha hasaan. “Ane'n addataaki ani assannaaxxa huje Isinna kinni assaan. Tennenaa'n saxxeexxanna ani Aabiba me'annaaxxe assaan.”

Mageni tenneenna ate'n assaan. Iittani Iyyessuussi anniiba me'emmaxxe'e Isi hujee irra ate'n hujaan. Tenne addatatto? Mageni eeyya'neexxa? Ati darree'n hujo'a hasa'neexxa addataatte? Mitte barra Woyyichcha maxaafa towatanno wodda Mageni iitta hitaaxxe yaanenni barachchiise'en. Joyisi!! Manjo eeyyannaxxe'e barra-barrande'n manjokee'e yo'oxxa yaane assannon. Insa'ne kinni uodatanna dandennebaan. Haranga qaabbachcho dandennebaan. Mitte fakkeenaa uwwa! Barra-barranda'en arisho “fuli!” hiyyat ajajanno wodda tenne assaannechchi Joyisi'a, beeti'a, Lenja'a, Bariite'a... hiyyeen.

Mittele ti'nachchot yaane tennee hedi me! Arishsho duuchchin

wodda fulda'neeki ati'aaten. Iitandee? Arisho! Tinni kinni maachchonna labbabaan. Arishsho barra barrande'n fulda'neexxa egenneennen. Yaane kinni fulda'neeki ati'aaten. Xeenikinna ganaa wodda gana'neeki ati'aaten. Mageni konne qico atee'e eyya'neen.

Oriit Zedaagim 7:9 iitta hiyyaan, "Atinna dadat anni Mageni Isi Mageno atike kadeeshsha eeyyakee, ajaja Isika heqqedhaake kako Isixxanna gattowaal kuma ila qico heqqaake kadeexxa ege'n."

Mageni atee'e eeyaa'neexxa ege'nate'e kumake'n laakko'endaaxxa ilaxxa kako heqqaaxxa uuda hasisaachcho labba? Uuddeten. Magen duuchchi woddike Mageno kademmaxxe ate'n gophaakenna ding-dingassakebaan. Heddi no'oki no'oxxe iba'ninna balleessa no'oxxe'n isoo'o rakkinsennechcho labbaan. Yaane kinni tennee heda hasisaachcho labba'nebaan. Buutotinna jaallalla ding-ding assachchobaan. Magenokanna eetoxxe hiyya dandesissaabaan. Jaalala Mageni assaaxxe kaddebaangi Mageni ifaanni jaalalaten.

Tenne butta'n hedheeri haranga fuggo me'eerinna ba'eerii, Iyyessuussi edo baxxeexxi cubbiyye "Ati welt mittechchonna afebe'non, Si'oole giddi'a metettexxe haranga gammadaannen" hiyyaaka duuchcha Mageni eeyya'neen. Tenne'a Magenoke'e mellemeekanna Isi'aa ergatemeeka hitta eeyya gopa?

"Iyyessuussi anke fayyisallishsha adheennen, iittanni kinni eeyyaannen." Yaane kinni Mageni atee'e eeyya'neexxa hittee qico kokkeette? Hiyyat qoratee hassaannen.

Mageni atee'e eeyya'neen hitaataaxxi erga haranga shollaxxen. Kaddoolenna Mageni ati giddo uggaaxxi yaane duuchcha hubataatee tinni hundaayeten.

Feteetee qico barattottoolenna Mageniinxu yaane hassettee qico qorte-qo'nisottole Mageni eeyyaaxxa addata gophphottole habanna geltabexxon. Mageni ataa afeexxa jaalala adde

atixxa iittan cubbotenaa'n fuldatoshanna weleke ergatendasha
hundaayyeten. Ati'aa afeexxa jaalala adhdhitaatte?

Mageni Atee'e Eeyya'neen!

2

ANI DHANFATEENNE?

“Tinni heqqecca foorfachchotee geesisabaan. Mageni uwweeke ulfinni qullichchinni jaalala hedino no'oxxe'n dune'en. No'o haranga gophaaleeyye he'nee'naanni, yanna geltaa wodda Kiristoosi cubbo no'oxxee, reye'en. Qullumatee reyaaka manjo afa haranga rakkisaan. Shaqqake manji'a reyote'e wo'laanaaki manji akimagaada afema dande'aan. Yaane kinni No'o cubbaalleeyyende kandee'na Gootti Kiristoosi no'o'aa reyeen. Tinninna Mageni no'o'aa afeexxa ifixxa jaalala leellishaaxxen.

Ta'a mundet quloommonnole, iittanni Isi darree'n Mageniixxe mufenaa'n hitta gata gonphanno! Mageniike naapha kandeennaki beltiinxe reyonni Isinni welt araaremmennechchi uduma lubbot fayya haranga hitta lumooxxe kada gopha!”

- ROOM 5:5-10 (wogga)

Heddi no'oki Mageni no'o eeyya'neeki cubbo huja gonphanno wodda calla kaddeexxa laqendaan. Heddi manji tenne ADHD, gophatee rakkatat, Mageni anee'e, eeyya'nebaan hinaan. Yaane kinni Woyyichchi maxaafi iitta hiyyaan. “Heddatto wodda manji maachcho?” (Faaro 8:4). No'o Mageniinxe dadan. Tenne'a eeyyammaxxe eeyyaan. Isi jaalalaten (1 ka Yohaannis 4:16).

Mageni ate eeyya'neen. Ati Isi'aa gargar hexxeteken. Iitta hiyya gargar hexxeteke hiyyoten. Ati anee kaddotta aninna atee'e kadagophannaxxe'e gargar hexxeteken. Mittikinna wele kadatee fakkaatatee wo'laancho assinonnole gowwoolete kandannon. Tenne'a duriisi dhaffantebexxoxxa haaso'atee bado alfaan.

Dhugaatishate kaddoole Mageni edo dhanfateeke kada hasisabaan.

Iyyessuussi ati'aa reyeeki haranga lumokenna dinqi assitattoke kaddatalete. Yookin Isi ati'aa reyeeki ate eeyyamaxxete? Woyyichchi maxaafi hiyya'neeshsha Iyyessuussi ati'aa reyeeki eeyyamaxxete kaddoole, munde. Isixxe'n qulloondetechin uduma ta'a atee'e sa'iseexxi eeyya gopha (Room 5:8-9). Isi ati barra-barrande'n assistaateika dedha jaalala Isixxenaa'n kexxeexxa gattowaali hiyyaan. Isi tenne barra qico'n hunnatinna injifachchot geltattoshsha jaalala Isixxenaa'n kexxeexxa eeyyaan.

Mitte barra Mageni dedhuwwakanna balleessa hitta uuda'neexxa leellisheen. Mitte sasenna shoole wogga kaddaaxxi anno, ama mini giddo hujaaxxa huje uudate'n hexxemmaxxa hede uudi. Belto ama isexxa lumoosha eetamaxxe'e baalidenna kutemalcho hocco abideexxi soro miniinx darree'n afendaaxxe gadhi'a leellishshaaxxe cufana filto'a kexxeen. Ilaalcha cufaniinka hasisaa qico'n filteechchi uduma hoccot cufana ca'a assiteen.

Dhugaandinni ilaalchi wodi'ikinna saamunik shame lugge'en. Amaninna belto assiteexxa yaane uuddaa wodda ca'itte hocco la'ofate'en. Amatika goobana abixatee wo'laanat belti amatiba dagat xe'mita'neexxe qonqonni iitta hiteen. "Amayo, Amayo ilaalcha fiyeeneqic ca'a asseeten, Anxe amayyo, ate eeyyaannen." Beltotanna eetaaxxi ama iitta hiteen, "Dhugaandinni eloxxe huje hujjeetten ane gargarteteexxe galateeffatannon." Okkoo'n beltotinna geebotiba higgaa wodda xurooteexxa yaane ca'a assiteechchi uduma kinni iittanna kinni assitoxxe hita'n gorsitaan.

Mageniikinna no'oxxe hedho'n iitta assaaxxa ani'a kuleen. Isi duuchchin wodda xure ca'a aasaan. Mageni atenaa'n hasa'neechchi assa dandeetatoxxa duuchcha hedino assitatoshsha callan. Assa dandeetabexxoxxa ati assitatoshsha atenaa'n heqqabaan.

Koo Mageno! Ati iittanden. Ani kinni dedhate'n hedhennan.

Ani kinni jijjiiratee dande'abe'non. Hitetexxe Kaddoole kinni atee'e jijjiira dande'aan. Iso'n kinni tinninna dandesisaan. Buutotinna Isike kipi belo umo atika jijjiira dandetabexxoxxa ege'ne'en.

“Mageni ulfinna qullichcha mikebelo uwwemammaxxe'e Magen ergeexxa Mageninx hiyya haaso'aan. Aabi Magen Iyyessuussi eeyyaan. Duunchinx yaane anga Isixxe'n uwwen.” Yohaannis 3:34-35 (wogga).

Mitte barra Woyyichcha maxaafa yaansisanno wodda tenne xiqise hedaannan. Magen ulfinna qullichcha mika'n uwwa'nebaaxxa hubatanno wodda gammashshot raarennen. Isinna kabaa'n shiixooka okkoo'n kinni shiixooka ikkila'n uwwabaan.

Matanga no'o iitta hiyyaan, “Kunna afeeneka duuchcha adhdhe.” Mageninx hunnanna jaalala techchonni adhdha dandetinaan. Ati hassaatexxa yaane duuchcha Isi afe'en. Ati daggettexxi isonaa'n Adhdhitottaa hasa'neen. Maake? Buutotinna Isi atee'e eeyya'nennen.

Tenne alfate'e dhanfateke kadeexxi afema hasissaabaan buutotinna ifi'a dhanfatatee haranga dandetabexxon. Iittanni kinni qaroontichchanna beeka kada hasisabaan. Magen atee'e eeyyammaxxe'e ati'aa uwwatee hasaan.

Zedagim 7:6-7 ke'n, Hiyya Mageninx iitta hitaan. “Ati atike Magen'a qullichcha arda kaddetaxxe'e, dadati Magen Isike ardi'a, karra kaddatoshsha buttate'n hedhaake araddanaa'n atee'e meledheen. Magen ha'o eeyyeechchinna meledheechchi wele araddanaa'n laakkoosiki saxeexxebeaan. Laakkoosikinna wele araddanaa'n haranga shiixxookemman.”

Magen Isira'eelika arda ifi'a gargar hedheeke arda asseexxi melledheen. No'onna mageneefachchotike minishsha ulfinni qullichchiinxe Isira'eeli hiyyemmannon. Tenne'a tinni hiyya

Insa'ne'a uwwendeemmashsha ati'aa duuchcha uwwende'en. Mageninna iitta hiyyeen. Ani ha'noo melledhennechchi laakkoosiki buttate'n hexxeexxe gosanaa'n saxxinammaletebaan. "Konnee yaada, no'oni welt afensiisaa wodda iitta hiyyoten. Melledhennechchinna duuchiinx yaane toggichcha orinni yookin dinqi hiyyendinaake manna kaddinnemmaxxetebaan."

Woyyichcha maxaafa

Okko'ninna wele ardi'a irra laakkoosik haranga henooxxe gosa kaddeexxa haasonnaan. Fayyat edi darre, duuchchinxi irra ani cubbichcha mman hiyyat heddeboxoki gattabexxon.

Kaddaa'nanna laakkoossa 8ke'n Mageni iitta hiyyaan. Yaane kinni ha'noo jabaxxe anganne fulcheeki, garbummatixxe buttanaa'ninna Gibitseke Mootichcha Feroonixxe anganaa'n fayyiseek Mageni ha'noo eeyyemmaxxe'enna annuwwa ha'nooke kakatemmaxxe tinni lumooxxe ergan! Mageni jaalala Isixxa ha'noo'n uggeen, Qulliyyeteenna kaddeenxa kuleen.

"Mellendineechchinna eloka adabanna manbe'a hiyyisinaake kaddinnemmaxxete kaddebaangi ani eeyyennaxxeten," hiyyeen. Techcho Mageni, ha'noo maachcho assa hasissaaxxa haso'neexxa egendine'e? Jaalala Isixxa adhdhitinaashshanna alfitinaashsha hano'o hasa'neen.

Ifi laqa gopha no'o duuchchiingixxe rakkon. Mageni no'o eeyya'neexxa adde anfebe'non. Yookin manni no'o eeyya'nebaan hinannon. "Manji hitta no'o eeyya dande'a? Ani baffatabe'noke manjon hinannon". Ani baffatabe'nokenna la'o afebe'noke hita'n heddaateke kaddottole duuchchingenaa'n hara jala kadde goofa hedho hexxatton. Tenne'a ati giddo hexxeexxa uushsho waalde yookin gargar hige hedha dandetabexxon.

Anixxi lumoxxi rakko ifi'a adhdha dande'a gophaten. 75 dhibbake'n kaddaaxxa yanna sa'issannebi ifi jijjiiratee wixirifachchotiten. Yo'osha haaso'atanaa'n kexxeexxa ta'a

sammi hiyya hasissaan hiyyaannon. Okkoneechchi uduma, sammi hiyyanno wodda yaaddot kinni wo'mannon. Manji duuchchi maake sammi hiyyeennexxa ege'no'a hasaan. Okkoo'n iitta hiyyee hedannon. Afoolitte kadeennexxa kul, ta'a yooni anee waali, sammi hiyyate'e wo'laanaannen.

Tenne rakko giddo hitteexxe yanna'a tureennexxa kulonnaa hasaabe'non. Ta'atenna kaddoole, odeessatixxa rakko afebe'non. Yo'osha haasootaaxxa dubarte aadheeki manni yo'oxxa yanna sammi hiyyakeeraan. Tinni kinni yo'osha haaso'atixxi ayyunte kinni lummexxaan. Duriisikinna gonphe no'oxxa qalli assat kikkisaan. Tinni kinni bakete hiyyendaan.

Mageni baketenaa'n fullannoshsha hasa'neen. Kaddoolenna tennena'a'n fulate'e addetinna jannumma hasissaan. Hoone qiconna balleessanjummat irri ate'n laqemaaxxenna kaddoole, assittetexxe cubbo'a mitte yaane ate'n murendabaaxxa egendeette? Mittebalessa hujatto wodda Mageni anee'e, eeyya'neen hiyyatee lumo qico a'ura dandeetaan.

Duriisi hittee qico balleessanjo, fuggaleessa maachchokeenna la'o anfebe'nosha ta'a-ta'anni kulo'a hasaan. Ta'anna balleessa yookin bubbo hujjeeten hiyyan. "Isi yaane giddo ati aate?" Ati la'o mittenna affebexxochchon, Magenoke kadoole atee'e eebbisabaan. Ta'a kula dandeetatton, mittechchonna assa dandeetabexxon" hiyyaan.

"Ta'aten giddixxe hedhonni uurrat onneeffachchot iitta hiyya hasisaak," Anke anna, ani balleesseennen Iyyessuussixxe mundenni gattowaal hitattoshsha kadhataannen. Tenne laqaanneki anixe giddixxe hedino gattowaali kadhataannen. Duriisi yaadi, ate'n qaboqe! Iyyessuussi cubbo anxika hira wode'en. Atee'e mitte uuddaaxxi yaane hexxebaan. Okkonnechchi uduma nage'iki me'anna gammashsho alfa dandeetatton. Kaddoolenna "Tenne'e elobaaxxa higge-higgeeni assannon hite heda dandeettatton." Aninna tenne yaanenni ifi-jibba uurissatto qico'n iittanni

hedaannan. Hujjetexxe huje’a ifi-qora uurissatto wodda, eettenee yaane uurisa dandeettatton.

Balleessatena’a’ninna cubbotena’a’n fuldabexxoshsha atee’e butti’a moogaan. Yaaddo ate and wo’mitaashsha assaan. Atee’e Atee’e naaphi ku’labaashsha jannumma hasissaan. Janna Kadiyyo Hasissaan. Iittanni addet uurra, balleessa anenaa’n bayyat hiyya Hasissaan. Duriisikinna iitta hiyya dande’aan.

“Iitta hitatto wodda kaddeexxe yaanen yaadabe’non hiyyate maake?” “Heeno’mitoolenna shiixxoxxe yanna’aa yaada hasissamman, Dhugaandinni elobaaxxe yaane hujjetten.” Ati kinni iitta hitetexxi hiisi.

“Hexxebaan, mitte yaaddonna laqenda’neexxi hexxebaan, kaddeexxe yaane mitte yaadannochchi hedhebaan.” Taakkeessoba iitta hiyye haaso’a a’uritaan. Kaddoolenna saselenna shoolele lebe-lebbe hasotettechchi uduma hitta hiissa dandeesissaaxxa egendatton.

Isiyaasi maxaafa hafuura adhdha 53, lakko 5-6 nna 11ke Woyyichchi maxaafi haaso’a’neeshsha Iyyessuussi cubbo no’oxxa ba’edhaa wodda, bake no’oxxa ba’edhe’en. Duriisi bake no’oxxenaa’n fullannoxxa eeyyabaan. Maake’e? Buutotinna baketi hunda hexxottole Mageeniinx e jaalalanni gammashsho dandetabexxon. Bake yookin cubbo Magenokenaa’n gargar fo’aachchon. Atixxenna Mageeniinx e oddo’n sibiliinke golisha uurritaan. Cubbot, Hunda, Hexxottole, Mageno, Aabi, Uuda, and Dandetabexxon. Ate’n leellaachchi atixxe balleessanna cubbo callan.

Baketenaa’n fulat mammarem! Mageeniink badhaadhi cubbo atixxa buqatee गयाaken hitottole haaso’eexxa yaane addat! Isi atee’e eeyya’neen. Badhaadhikinna gattowaali toliinx e uwwan. Techchonni adhdhi!

Mageni Atee’e Eeyya’neen!

3

JAALALA MITTUMMATEN

“No’onna Magen no’oa afeexxa jaalala egenneennen. No’onna addanteennen. Magen jaalalaten. Jaalalat hedhaaki Magenik welt hedhaan. Magenikinna Isinni hedhaan.”

- 1 ka YOHAANNIS 4:16

Mageniinx a jaalala hitta galcheccanna hubachcho dandeetatto? Magen fedhee qiconna eeyyoole jaalala. Isixxa hubachcho gophphaattole la’o hexxebaan. Manji mitti atee’e eeyya’neexxa kuloole lumo qico gammadatton. Aatee’e eeyya’neeki manji hedheexxa egendatto wodda gammachchiisaan. Magen atee’e eeyya’neen. Jaalala Isixxanna leellisho’a hasa’neen. Barra-barrande’n Isinni afendattoshsha hasa’neen.

Magenik welt mittoomiinx hedho affected? Qeerraaxxa yanna edi wodda calla fayyiseexxe Magenik welt eloka mittooma affeetten hiyya dandesisabaan. Techcho gorsa ille anxa baqi assanno wodda taakkaba hedaanneki Mageno uuddaaxxen. Iittanni kinni hashshumme ma’na anxiba’a me’anno wodda muuxake’ninna hedaannek Mageno uuddaaxxen.

Iittani kinni barratike hosito’n hedaannexxi duuchcha Mageno uuddaaxxen. Tenne lumoxxe butta’n Mageno anke ergachchoshanna isoo’o gammachchiisat gadho wele gaabbe afebe’non. Tinninna maachchikinna tukkeesendebaaxxe lumoxxe yaanen. Tenneenna alfate’e wele duuchchiininxa waala hasissaan.

Mitti-mitti no’ongi giddo Magen calli wonsha dande’aaxxi Magen giisseexxi duwwixxi bakka hexheen. Gonginaaxxiyaane

heene yaanexxa halcha wonshito'a dandesissabaan. Ati ifi'aan iitta hiyya dandeettatton. Tenne'e ediseenni egeneennen. Iyyessussinna adhdheennen. Kaddoolenna daqqiadaqqiqange'n, barra-barrande'n, hoone jeeji gidonna ati isoo adhdhitaatte? Mageniinx a jaalala ADHD attatte?

Mageni atee'e lumu qico eeyya'neen. Ati Isi'aa gargar hexxeteken. Mageni no'o dadeechchi Isinni welt mittooma anfannosha kaddemmaxxe'e Ati'aa ti'a lumooka yaadanna fedhe afeexxa leellishaan.

Mitte jaalo anxi mitte yanna kadhatta'n ani'a oojjo uuddeen. Mageni Aabi gorsa ma'natenaa'n ke'anno wodda Amerikiinke ardike miniba me'aa'na uuddeen.

Duuchchinge miniba mareechchi insa'nenni welt mittooma asso'atenna haaso'aatemman. Moote harkisaashsha asseexxi offo'leen. Manninna ma'natenaa'n ke'ne, dange, me'ine. Hygiene danger. Meneen. Magenokanna, "Koo Mageno, dokko haasonannon, henooxe yanna okkoonni he'na'neen heqqi ballo." Tennee muuxenshanni haasoosannon. Koo Mageno dokko mittummati afemannon ballo, "Mageno dokko Mageno."

Boginna hashsheen. Tenne oojjo uuddemmaxxi belto hedino isexxi enqendeexxa kuldeen. Buutotinna Mageni agooda heeshshi asseexxi minii'n fuleexxi me'aa wodda uuddeen. Eetten barra'n isenni welt haaso'ate'e mitti manjinna iseba dagebaan.

Hara birsaxxeexxi huje hexxoolenna hossoxe. Kadhatatoxxinna Magenik welt mittumma assitatotixxi yanna hedha gophphoole hara bira saxxeexxe hujen abidendeetten hiyyoten. Ati Mageno ADHD hat Mageno eetaatexxa kul. Duuchiinx yaane saxxaan. Sa'abaaki Mageno callan. Dhugaa tenneten. Kaddaa wodda, Isinni welt mittooma gophphottle. Isinni welt mittooma afate'e heenooxxi yanna sa'a dandeetaan. Iitta hinaa wodda kinni Mageniinx mootumma (mangiste samaye) aaggabexxon hiyyatebaan. Kaddoolenna injifachchotixxa hedho

afemaaka gammado uuddebexxong saxxatton.

Mageniinxa jaalala xe'mifattattoxxi weldeennatixxi barra hexxaashsha gorsaannen. Mageninke manjo yookin manjichcho kadatee addetinna Goottake'n addatate malee'e ifi'n addata yookin kipha assecca uurreis! Higgetexxi anno belitosha kadat anni atikixxe Mageninxle lekka hunda geebi. Jaalala hasissaaxxa leellishat ati Isi'aa eetii uwwi. Ati'aa eetii uwwaa qico'n, ati jaalala atixxa leellisha dandetabexxon.

1 ka Yohaannisi 4:16 iitta hiyyaan:

“No'onna Mageni no'o'aa afeexxa jaalala egeneennen. No'o isoonna addanteennen.”

Tenne gorsa'n kexxe Mageni hittee qico eeyya'neexxa hedate'e Isinni welt yanna affaatte? Gorsa ma'natenaa'n kexxatto wodda maachcho assitattochcho labba'nebaan. Kaduuni biso atika dadammasate'e ulfinni qullichchiinka biso qophpheesat hasisaaxxa eloxxa huje assate'e afo'o atika la'offachcho hasissaan.

Tenne kaddemmaxxe'e ma'natenaa'n kexxatto wodda iitta hiyyat safi: Anna anke anee'e, yo'osha eetaateexxe galateefatannon. Iyyessussi ani'a reyaashsha ergiteteexxe galateeffatannon. Rewotenaa'n ke'atixxi hunna ani giddo hexxemmaxxe'e galateeffatannon. Anke Gootta techcho fulanno ke loola duuchcha'n eebisemeeke assitaattexxe galateeffataannon. Koo Mageno anee eetaatten. Konne mini giddo hedhenneshsha eetaatten. Ani ati'aa gargar hedhenneke belton. Ani atixxe illeke illichchon eetaatten!

Mageninxle jaalalanni buqemeenneshsha uudannexxa hubat. Woyyichchi maxaafi raagichcha Isayaasi 49:16; Mageni mitte mitte no'onga angatike baatana'n uggu'leeshsha ege'ni.

Mageni maa hiyyo'a eeyya'neexxa ifisate'e a'urtaaxxe kaddolenna yaane kinni ege'li uudde insa'nee! “Ani danchichchakebaan” Ani insa'ne'e yo'osha eeyyaannen,

hiyya'neechcho labba'neen. Ateenna iittanni eeyya'neen. Atinni welt mittooma assaashsha halcha'neexxa kulo'a hasa'neen.

Mageno galateeffatattokenna Isinni welt affeetteexxa mittumma nossexxotta'a hasa'neexxa hedi. Mittemitte yanna kadhate'e Isi hunda ibbetexxa Mageni atee'e hitta fayyiseexxa galateeffachcho hasissaan. Mageno yaadisatenaa'n higgettexxi isoo'o eeyyi! 1 ka Yohaannis 4:16-17 "ni iitta hitaaxxa hiyya yaansisi":

Mageni jaalalaten. Jaalalat hedhaaki Magenik hedhaan. Mageninna, murtetixxa barra injiffachchot kaddaashsha jaalala kaba no'o'n muuxeende'en.

Mageni eeyya'neexxa egendatto wodda Iso'n kiphemanna adatema saffatton.

Eebbisematixxi muumme Mageni no'o eeyyaten. Eebbisenshatinna adde cubbo injiffachchot danane, gammashshonna wele welechchuwwan. Tenne duuchcha alfinannok Isi no'o eeyyaashsha eet uunanno woddan. Yo'oxxa yanna yaane wirri assat "Ani Mageno eeyya hasiissaan hina'n hendannnon." Ani addataanneshsha taakkaba Mageni eeyyaashsha eet uwwa hasissaan. Mageni atee'e eeyyaashsha eet uutatto qico'n Magenoke'e affeettexxa jaalala ifisa dandeettatton hiyyennexxi addatabe'non.

Mageni welt mittooma dada hasissaaxxanna dhugaandinni Magenik welt mittooma assa hasissaaxxa kula dande'annon. Yaane kinni tenne assitattoki hittate? Mageni atee'e Isinni welt mittooma assa hasisaaxxa kulaa wodda soofa moote anxa idagennexxi offo'lennen. Okko'n "Koo Mageno maa hitottaa hassaatte?" hiyyennen. Tinni dhugaaten! Magenik welt hitta mittooma dada dande'annoxxa ege'nebe'non. Buutotinna tenne yanna'n Mageni hittee qico anee'e eeyya'neexxa ege'nennabaan.

Mannake'e affeetteka irra atika ifisate qici maa laba?

Eeyya'neexxa egendebo'xxoki ha'noo eeyyaannen, ulfeessannon!
Hitatto? Iitta hiyyonnole manji anee'e, gowwiinsha laakkoo'aan
hita'n sodaattatton. Eena'neexxanna adhdhina'neexxa
egendeeteke manna kadenemaxxe'e hedino gammado Uunaak.
Ayyinni weltinna assabe'noxxanna haaso'abe'noxxa yaane
anke miniike anninni welt assannon buutotinna anki aro'i anee
eeyya'neexxa ege'neennen. Magenonna uuddaaxxa iittanden.

Kexxettexxi mitte takaaro tarkaafatat Magenoke bado uwwe,
Isinni welt hitta mittooma assitattoxxa atee'e barachchiisaan. Ifinni
iitta hite laqi, Mageni badhaadha uwwa.

Mageni Atee'e Eeyya'neen!

4

JAALALA, ADDATENSHANNA ADDE

“Kiristoosi Eyyessuusinni kadat jaalalat hujjaaxxe adde malee’e jila offo ’late kaddoole yookin jila offo ’lagopha la’o affebaan.”

- GELATIN 5:6

Adde afannoshsha heddi no’oki wo’laancho assate’n afemman. Dhugaandinni mitte adde belo Mageno gammachchiisa dandesissabaan (Ibirawiyān 11:6). Tenne’a yo’oxxa adde afate’e wo’laannannon. Dhugaate kinni adde kexxaaki hedinotenaa’niten. Alfinannokinna Magenik welt anfannoxxe jaalalatike mittoomi calliniten. Addachcho barachchiisa dande’a gophonnolessa addachchotixxi akeette hubatattoshshanna ati giddo solo’o uggitaashsha assa dande’annon. Addachcho afendaaki Mageniinke ulfinni qullichchixxe leella daree’niten.

Adde ifixxe wo’laancho alfatee’e assitatoxxi wo’laancho uurisat Mageno gammachchiisi! Konnee wodda Magenik welt mittooma assateenna isoo’o eeyyate’e assexxatton. Barra duucha isoo’o eeyyatinna. Isi’aa, eeti uwwat hedhi!

“Addeti malee’e uushshot no’o mammaremate’non.”
2 ka qorontoosi 5:7.

Mitte yanna tenne kuta yaansisanno wodda Mageni anxe hedino’aa tenne’e jabaxxa yaane haaso’a safeen. Addet mammaremate wo’lancho assaannan. Hedho anxe’n hoone fuula’ninna addet mammaremanosha hasaannan.

Wele darrenni, Magenik welt afeenneke mittoominni

addachchot mammaremaannan. Tinni maachcho kaddeexxa hubateette? Ani qullichchakebaan hiyyeexxi addataaki manji addet mammaremiyyo hasissaaxxa dedha dande'aan. Matanga ani baffatabe'noke buttinannan. Magenikinna, Annie, eeyyabaan hiyyat hedaa manji addet mammarema hasissaaxxa dedha hasissabaan. Heddi manni addet mammaremate'e wo'laanaan. Kaddomalee hedino giddo tinni yaanuwwa hexxebaan.

Gelatiya 5:6 ke'n yaaansinsaanneshsha adde hujaaki jaalalatiten. Mageniikinna mitte yaado hedino anxe'n uggeen. "Heddi manni iittanni maxaafi qullichchixxa borreessile eeyya giboole adde no'oxxi hujabaan" hiyyeexxi hedaan. Yaane kinni borreesile tinni kuldabaan. Borreessile barachchiisan'neechchi eeyya'neexxa ege'na gonphoole adde insa'neexxi hujjabaan hitaaxxen. Adde jaalala belo huje affebaan. Manjo eeyya atixxe dandeennoobaan. Gumma yaanetixxi duuchiinxsa dandeesisaaki Mageni eeyyaashsha eet uwwaten.

Tinni lumoxxe gargarunte affe'en. Mageno Addachchonna added mammarema. Iso'n irkachchonna yaane duuchch Iso'n addachchoten. Manjiinsha eeyyaaxxa ege'na gophphottole iitta assa dandetabexxon. Higgeenni kinni dedhatanna dandeettaton. Mageni atee'e eeyya'neexxa haakkottole. Iso'n addatensha haranga dandeetatton.

Mageni ate hitee qico eeyya'neexxa egendettele, fayyunte alfa lumu qico a'uritaaxxe kaddabaan. Higgeenni kinni Maallaaqiki qortumi wo'maan hiyyat lumu qico yaaddoxxe.

Halcha atixxa alfitattoxxi buuto Mageni uwwaaxxa kokkeessite addachcho gophphattaxxeeten. Akimagaada, "Addachcho hasaannen" yaane kinni hitta addachcho dande'annoxxa ege'nebo'non, hiyya dandeettaton.

Ati giddo Mageniinixxi jaallaalla hexxeen. Ta'a nophpha hasissaaxxi Mageni ate'n leellishaaxxi yaane adhdhate'e

qophpheefferachoten. Woyyichchi maxaafi iitta hiyyaan.

“Isi ediseexxi no’o eeyyeemmaxxe’e no’onna isoo’o enaannen” (1 Yohaannis 4:19). Mageni ediseexxi eeyyeeshsha kokagophphottole Magenokanna eeyyate’e a’urtaaxxe yaane kaddaan.

Duuchinxi yaane atixxe hedino giddo hexheen. Duuchcha yaane okko giddo hexheen! Mageni atee’e eeyya’neen. Ati dinqi assista tokenna danchichcha manjon. Tenne butta’n hexxatto wodda Mageni atee’e eeyya’neeshsha huuni manjinna atee’e eeyya dande’abaan.

Mageno malee’e ati’aa ayyinna hasisaaki hedhebaan. Kaddoolenna Isi wele manna ati’aa hedhot uwwaan. Dhugaatinna wele manji’n hedhagophpheexxe kaddoolleenna. Yaane kinni atinna Mageni calla kaddineele mittichchinna ate’naa’n xe’aachchi hedhebaan. Magenikinna elokoke jaalo ati’aa kadaan. Jaalo gophphoottole Isi ati’aa jaaloke kadaan. Amatanna and Anna go phut-phut. Isi amatenna annake kadaan.

Mageni konnee qico atee’e eeyya’neen. Tenne’aten hasisaachcho duuchcha Iso’n addachcho hasisa’neek. Isi lumoooshsha eeyyammaxxe’e hasisaachcho duuchcha ati’aa uwwaan. Mageni uwwaaxxa egendebexxo qico’n isonaa’n adhdhate’e hasissaaxxi adde hexxabaan.

Adde hujaakinna lele’mitaaki Mageni atee’e eeyya’neexxa ege’natee eet uutatto woddan. Add manjo eetettexxeenna dandeenno affeetexxe hujjabaan. Edisetexxi Mageni atee’e eeyyaashsha ate uwwi. Okkoneechchi uduma Mageno iitta hiyyi. “Koo Mageno anee’e eettaatexxa ege’neennen. Haleluyya!! Anna ankee Galateefatannon. Summi atiki lummedhowaal.”

Simiiz Wiglisewiriz lumooke Mageniinke erganjon. Mitti manji qeerraaxxa yanna kadhatate mo’o hiyyeexxi qoreen. Insa’nenna iitta hiyyat hiissineen. 30 daqiiqi iimi darre

kadhateennexxa ege'nebe'non hiyyeen. Yaane kinni 30 daqiiqa kadhatebe'noki gatteexxi yanna hexxeexxa qalli hiyyaabe'non. Mitte yanna haaso'aa'na Magenik welt haaso'ebaaki 15 daqiiqi iimi darre tureexxi aadde aagiyyo hasissaan hiyyeemman.

Yaanuwwa muuxate'e wo'laannannoki ke'ito denaa woddan. Atixxe wo'laancho'n muuxa dandeetabexxon, Mageni atee'e eebbisaanneechchi eeyyammaxxeetten. Fayya uwwemmashshanni duuchchiinx aadde hasissaaxxa yaane ati'aa uwwaan.

Mini hado atika yookin wele manna fayyinsaashsha ati mitte aasitattoxxi yaane hexxeebaan. Mageni atee'e eeyyaashsha bado uwwi. Okkoo'ninna mini hado atika uuddatto wodda atinna insa'ne'e eeyya saffatton. Woyyichchi maxaafi haaso'a'neeshshanni eetaattexxe kaddoole insa'ne'ni kuldaatexxinna assitaattexxi yaanuwwa insa'nee injifatate assitattoxxi wo'laancho uurrisat Iyyessuusiba'a ani leellishannon. Magenikin ulfinni qullichchi hado atika jaalalatixxe buuton ha'noo hedaan. Yaane kinni Mageni eeyyaashsha eet uwwa gibbottole welechcho alfa dandeettaxxon. Efesoon 2:8 ke'ni iitta hiyyaan. "Badhaadhi... Isik fayyise'en." Fayya atixxe mittechchonna assitebexxoxxa qalli hitaate? Heddi no'oki Iyyesussi no'o'aa fayyisat edi ga'ma haranga cubbote'n cuuphphmeennan. Tenne'a fayyunte no'oxxi no'oxxe wo'laancho'ninna dandeennonni kaddeexxebaan. Fayyinennenekinna mitte yaane calliniten. Tinninna Addataaki duuchchi duuchchin woddixxa hedho alfaashshate malee'e ba'abaashsha Mageni mitte belto uuwwat qico'n haranga no'o eeyyeen." (Yohaannis 3:16).

Badhaadhi Mageni no'oxxa halchuwwa wonsho'a hedho no'oxxee uwwexxe hunnatinna eeyyuntetkokeesseechchon. Mageni fayyunte alfinannoshsha adde badhaadhakenaa'n kexxeexxa uwwexxa iitta kinni fayyunte alfate'e addantannoshsha adde no'o'aa uwwaan. Isi alalisanjo no'oke kadeexxanna addantannoshsha adde no'o'a uwwaan.

Fayya alfinannoshsha no'o giddo uggeexxi addachcho cubbo duuchchanaa'n fayyisaaxxe kaddoole tinni no'o giddo hexxeexxi adde hedho no'oxxe'n hasissaaxxa yaanuwwa adhdhate'e dandeessissaan. Mageni atee'e eeyya'neexxa addataattekenna eeyya'neexxa ege'nate'e hassaatexxe kaddoole; isoo'o ijjenda addachcho saffatton. Mageniinxi hiyyaxxa dhugunte adhdha saffatton. Isi haranga sobabaaxxa egendatton. Buutotinna Isi atee'e eyya'neen.

Addete hiyyo Magenoke'naddachchonna kiphemate hiyyoten. Higgeeni Isixxe hunnanni, Beekumininna ellet ifi uggate hiyyoten (Qollaasiyaasi 1:4). Mageni atee'e eeyyaashsha eet uutatto wodda Isinna eeyyanna addatate kaddeexxa higgeenni adde affatton.

Mageni Atee'e Eeyya'neen!

SODA'AT GADHO KADA

Yo'oxxa yanna Mageni eeyya'neexxanna Iso'n addatema hasissaaxa egena'ninnikinni tarkaaffe adhdhinabe'non. Tenne'a tantamme yaane hedho no'oxxa abidaa wodda mekki hinannon.

Adde no'oxxa moorammaki diinakenna jeejuwwaken. No'o afemmannoki futteessi adde no'oxxa mooraan. Hedho atixxike futteessuwwa'n Mageni eeyya'nebaaxxa fakkaata dandeettaan. Tenne'a Mageni eeyya'neexxa addatate rakkatatton.

Tennenaan kexxeexxa Duriisi ca'a hite fuldettechchi uduma Mageniinx jaalalanaa'n atee'e fo'ate'e soda'anna cubbo aadheexxi dagaan. Okkoo'ninna, "Tinni gelteexxi yaane maachchoke?" hiyyaan, "Fuggoxxa yaane assitebeexxoki gatebooxxon." Mageni dhugaandinni mufate'en. Konne jeeji giddo Magenoke'n hana affected kiphachchonna adde gopha saffatton. Addetixxi xe'a saffaa wodda Magenokena'n gargarsa adhdhate'e rakkatatton.

Mageni eeyya'neexxa hubata gophphottole Magenoke hana wo'ma adde afa dandessisaabaan. Duriisiinxu fuggonna ku'la keesunsutottole, Mageniiixi jaalala atee buqqaan.

1 ki Yohaannis 4:18 haranga jabaxxa erga kulaan. “Dhugitte jaalala soda’a fulchitee hundaan.” Konne maxaafixxi kuta maa

hitaaxxa ege'nate'e hiisse-hiisse hedaannan. Mitte barra Mageni ulfinna qullichcha ankee iitta hiyyeexxi haaso'een. Dhugaatixxi jaalala soda'a ballessiitaan. Magen kinni dhuggitte jaallallan. Tinni dhugitte jaalalan ati'aa uwwendeexxa hubattottole. Tenne butta'n giddo sodatattoxxi hiini yaanenna hexxabaan. Mageni atee'e eeyya'neexxa giddixxe illexxa bansha afeettexxe kaddoole sodaattattoxxi yaane hexxo'a dandettabaan.

Mageni atee'e eeyya'neexxa egendettole ibannon hitettexxi haranga sodaattabexxon. Magenoke ninna addattatto ibbabexxon. Ibbattokinna ifi'n addattatto wodda callan. Mageni atee'e eeyya'neexxa egendottole hoone lollaachchonna sodaattabexxon.

Mageniinxi jaalala haranga jabaxxe kademmaxxe'e duuchchiinxu yaane buqqaan. Fayyiseekinna ca'a asse fulcheeki dadat Mageni anee cubbisaan hite heddatto? Duriisi manjo cubbisaaki, Mageni atixxe hedho giddo heexxeexxe cubbo atee'e qaasisat giddi'n fuldattoka ora leellishshaan. Duriisi kinni cubbisa malee'e fuldattoka ori leellishabaan hiyyaan.

Woyyichchi maxaafi iitta hiyyaan:

“Dhugitte jaalala soda'a fulchitee hundaan. Male'e jaalalatixxe soda'anni soda'a hasissabaan. Mura woxat abidendeexxe kaddemmaxxe'e sodaataaki manji dhugitte jaalalabaan.”
1 Yohaannis 4:18 (Harooxxee deettitte tika)

Heddi manni Woyyichchi maxaafi iitta hiyyaa, hedino eetaattexxe kaddoole anee'e. Sodaatabexxon, hedino eetaattexxe kaddoole soda'a hedho atixxebaa'n daggabaan hinaan. Yaane kinni Woyyichchi maxaafi iittatebaan hiyyaak.

Woyyichchi maxaafi no'o barachchiisa'neeshsha kaddoole Mageni atee'e eeyyaashsha eeti uuttottole soda'a hedho atixxe'n bakka alfitabaan. Hedho atixxe'n soda'a hirtabaashsha hassottole Mageni atee'e eeyyaashsha eetii Isi'aa uwwi. Addet Mageniinxu jaalala ta'a tenne adhdhi! Adhateenna tarkaaffe adhdhi! Mageni

ati'aa affeexxa jaalala addet adhdhe'en.

Mageniinxi jaalala soda'a fulchiteexxi hundammashsha illetixxa bansha uwweechchi uduma hedhote'n hosisa ane'nnaa'n heqqendamman. Mitte yanna kamoole no'oxxi bilashshee'na lumoxxi rakko gelteen. Kaamole no'oxxa qammachchate'e dhibbakenaa'n dhibbanna shantama doolare qico'n hasissaamman. No'o kinni maallaqa anfeennabaan. Tenne'a sammi hinennexxi kaamoole no'oxxa ooffate'n ke'nennen.

Mitte barra gorsa Mageni hedino anxe'e iitta hiyyeexxi haaso'een. "*Joyisi, barra duuchcha anee'e.*" "*Eeyyi,*" Aninna atee'e eeyyannoshsha eet uwwi. Mitte aasitattoxxi yaane hexxebaan. Lumooxxa adde affeexxe manjichcho kadiyyonna hasissabaan. Kinni anee'e calla, Barra, Duuchcha, Eeyyi! Aninna eeyyaannoshsha eet uwwi. Duuchchi wodda tenne'e assi. Ani atee'e eeyyonnaa!

Mitte barra baratendemdashshanni Magenik welt adde jabeesseccate'e. Magen o'anka ulfeessa'n Magenik walti mittooma assaannan. Okkoo'ninna tantamenda Anke minike anixxa kamoole uurinsanaxxe garaaje giddii'n laqennen. Anki miniinki anni 45 daqqiqi uduma hujetiba'a me'eemman. Hula banneexxi iitta hiyyeen. Kaamoole oofa dande'abo'non. Garaajetiba geesisa hasissaan. Hula cufennexxiyyo oso'lcho safennen. Hede-herege assennexxe yaanebaan. Tantammenda kaddeexxe yaanen. Ulfinna qullichchake asseexxe yaanen. Iitta oso'la dande'ennexxi yaanen. Gorsa Mageni, anee'e.

Eeyyaashsha assennexxe kaddeexxa Mageni ane'n leellisheen. Mageni atee'e eeyyaashsha assa ati giddo addetixxi hula banendaashsha assitaan. Sammi hiyye oso'lichcho safennen. Tinni anxe adden.

Abirhaam Addetika oso'lichcho oso'leen. Magenikinna Isiba'a dageexxi labbaka beltonna i'laaxxa kulaa wodda Abiraami

alayyichchiki oso'leen. Iitta hiyyeen “Ulfinni Isi'aa kadowaal” addatannon. Saaranna kinni addebeloka oso'lichcho osoldeen. Magenikinna isee dedhakenaa'n hiiseen. Abirhaami kinni hiyyeechchi hedhebaan. Abirhaami fuldetexxi oso'li hiyyebaan buutotinna addetike oso'lichchomman.

Duriisinna ate'e moromaa wodda ate'n asso'a hedeexxa yaane duuchcha gowwiinxu hujenna oso'lishaaxxe kadaa wodda dadatika atika Mageno geyaa qico'n egendataxxe'e ate'e sodaachchisaachchi hedhabaan. Addetika oso'lichcho Mageni eeyyaaxxa egendeetten. Isi xe'ya atixxa duuchcha wonshaan.

Tabalaasheexxa kaamole atixxa uudda'n oso'lanno woddi Mageni shiixxoxxe qonqonni anxe hedino'n haaso'een. Haaso'eexxi yaane haranga jabaxxe yaanemman. Sasele iitta hiyyeen. “Joyisi, Ani Edo hexxaatteki iittate kaddoole ijjenda atee'e yaadisabe'non.”

Magenoke'n hana irkatattokenna Magenikinna eeyyaashsha assitaatten. Iittan kinni atinna iso eettaattexxe kaddoole addetik mari ati'aa qabaan. Atenaa'n heqqendaaxxi Mageni atee'e eeyyaashsha assanna atinna isoo'o eeyyan callan. Isinna ati'aa duuchchinxu yaane sa'issaan. Mageniixxi jaalala ati giddo hujjammaxxe'e soda'a duuchcha fulchee hunaan.

Mageni Atee'e Eeyya'neen!

6

JAALALA WELEKE'E HEDDAAN

“Magenokanna eeyyaaki Isika dayyonnakinni eeyyaashsha kunni ajajaken.”

- 1 ka YOHAANNIS 4:21

Ati Mageniike gargarike belton. Zedagim 7:6 ke'n konnee yaada anfannon. Mageni eeyyaake manjisha hexxaatteke kaddottole. Mageni ati giddo butta jijjiira safaan. Dikkotiba'a metatto wodda albi atik gammashshot ifaan. Hirtatoka miya aaxxa'n hitatton. “Tuqaaxxi yaane duuchchi eebisendeexxen.” Haleluyya! Techcho ane tenne medebire giddo anfeexxe eebisemmeken. Ulfinni Magenoke'e kadowaal! Dikko giddo fiissita'n faarisita'n mitte loola'n duuchcha'n ifi gargar hedheeke manjo assat uudda'n me'i!

Gargar kandeenneki manna kandeenneexxa ege'nanna Mageninna eeyya'nemmachshanni manni hedha sanfanno wodda butta tenne'e Kirisitoosi'a booji'endaashsha assa dandeenannon. Jaalaalla raaqiinxe giirashsha ba'lattaan. Manjoke'n iima gungumat Ani Kiristaanaken hitottole ayyi'anna la'o affebexxon. Ani kiristaanaken, Ani kiristaanaken hitaatten. Yaane kinni Kaamole albi edo futti hitoole. “Gowwiinsha orakenaa'n baqat. Magenfachchotike miniba'a menaannexxa egendeexxo? Ati hofoffe yanna ane'n barrissotaate?” hitatton.

Mitte mitte yanna iitta fakkaataaxxi yaanuwwa assinannon. Injiffachchote'e qixxeeffatteette? Ulfinni qullichchiki tarkaaffat! Injiffachcho Abidi! Iittanna hiyyi. “Duriisi yo'oxxe yanna'a soda'a giddo hedhaashsha assiteetten. Ani gargar hedhenneke

manjon. Iyyessuussike summinni injifatannon. Buutotinna Mageni ani'e eeyya'neen. Duriisi ta'inni udumi'a mitteechcho assa dandeetabexon!"

Ati giddo hexxeexxi Mageniinxi jaalala soda'a giddii'n atee'e fulchitaan. Welekanna jaalalat ergatemate'e sodaataaxxon. Mageni ati giddo lumooxxa yaane hujaaxxa haaso'a wodda addatiyyo hasissaan. Buutotinna Iyyessuussi Aabibaa me'een. Mageni atee'e hujete'e hasa'neexxa addataatte. Mageni addatettexxa yaane uwwaan. Addet tarkaafatate'e sodaatoxxen.

Soda'atenaa'n kexxeexxa maachchonna huja dande'a gophannaxxe'e addetikekasanaa'n me'e yanna geyyeennaxxa kulonna'a hasaabe'non. Mageni kinni iitta hiyyeen. Ke'i! Joyisi Ke'ei! Ati giddo lumooxxe yaane hujaannen. Aninna ikki woddi toggi hiyye ke'ennen. Eettene yannanaa'n saffeexxi Mageni anee'e, waale ege'nebaan.

Addetixxa tarkaaffe saffennechchi uduma edo maake sodaatagophaannaxxa egendeette. Mageni, anee'e eeyya'neexxa ege'neennen. Isi, anee. eeyya'neen. Aninna isoo'o eeyyaannen. Isike badhaadhinaa'n kexxeexxa hedho anxa Isi'aa uwwenneen. Tenne assittottole Atinna Mageno eetaatten. Isinna atee'e eeyya'noole tenne butta'n injiffachcho alfate'e rakkissaaxxi yaane hexxebaan.

"Kiristoosixxe jaalalanaa'n anee'e ate gargar assa?" Abari, yookin yaaddo yookin baqata (sideete) yookin solo'i yookin duwwi hedha, yookin soda'a yookin seefe kaddduuni? Ati'aa barra duuchcha weli fallaandannon. Dulemaake Gedhebishsha laakko'emme hiyyendeexxi borreesendemashaten."

"Tenne duuchcha'n kinni Isixxe eeyyuntenninna injiffachchot sa'nannon. Reyote kade hedho, erganjuwwa kade galcha, hedheeke kadi dagaaki, hunnate kaddoole, tarba yookin gooddo kaddoole, Gargarixxe dada kadi Iyyessuusi kiristoosi Goot hedhoole Mageniinxe jaalalanaa'n gargar assa gargar hiissitabaaxxa

hubateennen.” Room 8:36-39

Atixxi fedhe fula Mageni hittee qico eeyya’neexxa hubata gopha dandeetatton. Gammadeetteke kadagophphottole Mageni tenne’n yaadaan. Mitte-mitte yanna elobaake irri giddo sa’isitatton. Hiini barranna hita’neeshshanni heddeboxoki gattabexxon. Adurichcho shorritatton. Olla’a atika yowwitatton. Ikki ediki adabi ate’n dagaa’na albi atikinna himmi hiyyaan. Hujendammaxxa huje ayyinna galateffatabaan hiyyat maammuatton.

Litta mayekee hitaattexxa ege’neennen. Aninna tenne’naa’n sa’eennen. Oose atixxi mini’a daggaa wodda “barachchotike mini’n torbaane yanna’aa turatixxa bakka tommenna shoole yanna’aa maakee tura gibbinne?” Hitettexxi maammuatton.

Tinni Mageno yaadisaaaxxa egendeette? Elobaaki irri laqemaashsha assate’n hexxeboxxon. Mageni atee’e eeyya’neexxa addattottole tennee jaalala hiissichcho uwwa hasissaaxxa hubatattoshsha atee’e gargarate’n hedhennen. Tinni jaalala hedino atixxa wo’mat manjo duuchcha’n dunema saffaan. Fedheexxe’n gammadeetteke kaddatton. Eloxsi yaane atenaan burqitaan.

Mageni dhugaandinni eeyya’neexxa addattottole fayyunte alfitatton. Dananetanna alfitatton. Hasisaachchonna alfitatton. Maake? Buutotinna Mageni atee’e eeyya’neen. Tenne’a Iso’n irkachcho barat!

Mageni no’o’a uwwa’a hasa’neexxa yo’oxxa yaane uwwagophpha’neechchi buuto Iso’n irkachotixxa bakka ifi’n addantannaxxeeten. Butta duuchcha’n anee callan hina’n rakkissannaxxeten. Mageni Iso’n hafuura adhdhitattoshshanna isoonna eetaattoshsha hasaa’neen. Isinna atee’e eeyyaashsha. Isi’aa eetii uwwanna isonaa’ninna adhdhitattoshsha hasa’neen.

Manjo eetaattexxe kaddoole Durriisi ati giddo dunendeexxa jaalala uurisa dande’abaan. Buutotinna manjo eetatto wodda arjake kaddatton. Uwwa gophateenna haranga dandeetabbexxon.

Zedaagimi 7:6 muuxiinxe kuta Mageniinxi hiyya iitta hitaan. “Atike ardi’a kaddattoshsha Mageni atee’e melledheen.” Mageni atee’e ye’een. Tenne yanna’n, atixxi lumoxxi huje mini giddo minike hadinni welt kadate kada dandeettaan. Yaane kinni Mageni atee’e ye’een. Mageni ate’e’n hujo’a hasaaxxe kaddoole. Mageni atee’e huj’a hassaan. Yaane kinni edisettexxi kinni tenne hundaayye jabeessa hasissaan. Mageni atee’e eeyya’neexxa ege’n!.

Ulfinni qullichchiinx hunna duuchcha ifixxe’ninna halcha atixxe’n wonshate’e wo’laandoxxe! Ati hassaatteexxa yaane Magenoke’n kul! Okkoo’ninna weleke hasisaachcho wonshate’e hasissaaxxa adde jabeessi. Iyyessuussi Isiba’a addetike barachchotike mini’ba’a dagaaka manna welekee hasisaachchuwwa wonshate’e dandeessissaaxxa adde alfinaashsha Mageno edi’a hasat kadhataan.

Okkoo’n hiyyatanna barachchiissaan. Angatanna insa’ne hana ba’isaan. Insa’neenna dinqi hiyyissaaxxa yaanenna adhdhinaan. Mageni hasa’neexxa yaane uwwaashsha mitte gama’n sammi hiyyeexxi ofo’labaan. Ati maachcho hassaattexxa Magenoke’n kula hasissaan. Kaddoolenna hassaattexxa yaane Mageni ulfaataaxxe kada dandeettaan. Tennenna hiyya hedinetixxa atixxa halcha wele manni’a hasissaaxxa yaane wonshate kadiyo hasissaan.

Dhugaatixxa dananenna toggichchi orinni tika alfitowaal hiyyendeele wele manni’a hasissaaxxa yaane wonshat Mageni no’o’aa uwwaaxxa eebba yookin uwwa seerik la’offachcho hasissaan hiyyoten. Mageniinxi jaalala wele mannixxa rakko edisinaashsha hunna uutaan. Mageni eeyya hasisaabaaki manni fakkeennake’e maammuqaakanna galatibeloka eeyyateenna rakko insa’neexxa wonshatee dandeettattoshsha eeyyeen hite addattatten.

Aatee’e eeyyaaka manna eeyya a’urtaaxxe yaanebaan. Tinni maqo affeabaan. Buutotinna huuni manjinna tenne’e assa

dande'ammaxe'e. Yaane kinni huje insa'neexxi eeyyema dande'abaaki manni eetatto wodda higgee-higgeenni eetatto wodda Mageniinxi jaalala insa'ne'e jijjiirtaan.

Tinni heddo wogga adhdha dandeettaan. Onde wogga adhdha dandeettaan. Didamanna onde wogga adhdha dandeettaan. Kaddoolenna iitta assa hasissaaxxen. Iyyessuussi atee'e heqqeeki me'e yanna'ate?

Mageni atee'e eeyya'neen. Iittanni atike loola'n hedheeka manna duuchcha eeyya'neen. Fayyeekanna kadi cubbaaleeyye eeyya'neen. Iittanni Isi jaalalatike fakkeenna assat atixxe buutonni hujate'e hasa'neen.

Addet tarkaffachchote'e sodaattoxxe! Mageniinxi jaalala soda'atenaaninna cubbotetnaa'n fulchite'en. Wele eeyya dandeettattoshsha hunna uutaan. Mageniinxi jaalala loola atike'n hedheeke duuchcha'a lallabate'e kutatte ke'i! Manji duuchchinni jaalo kadate'e wo'laani. Manji duuchchinni jaaloke kadate'e Kiristoosike mini giddo hedheeke duuchchi'a eebbate kadate'e duuchchin woddixxe huje kadduun.

Manni minii'n fuleexxi dhiyaana indaashsha yookin marreexxi uundaashsha keessunsi. Gammashshot wo'meeka nage'a uwwi. Mageni ati giddo hujo'a haseexxi yaane hexxen. Tenne butta'n hedheeke wele manna'n hujendo'a hasendabaaxxi yaane atixxe buutonni hujendo'a hasa'neen.

Ati calli fojjattoki manni hedheen. Konneera labaaka manna atee'e malee'e wel ayyinna insa'ne dhaqqabaaki hedhebaan. Mageni jaalalati insa'ne'a hitta ergatendattoxxa akeekaashsha iso qori, Isinna barachchiisaan!

Mageni Aatee'e Eeyya'neen

7

MAGENIINXI JAALALA AATEE'E JIJJIIRTAAN

“Jaalala iittaten. Mageni ifa’anni no’o eeyyeexxa cubbo no’oxxa gattowaali hiyyatee belto Isika ergee malee’e malee’e no’otebaan Mageno eennennek.”

- 1 ka YOHAANNIS 4:10

Mageni no’o eeyya’neen. Kaddoolenna heddi no’oki Isi no’o eeyyeechchi jaalala wo’ma qicinni hubanteennen hinenneexxi addatabe’non. Tenne’e uuddaaxxe’n qo’ne assendebaaki Mageninna haaso’emmashshanni Mageni hittee qico no’o eeyyeexxa ulfinni qullichchiki galche’nonnole ta’a hedhate’n he’nennexxa woyya affeexxa hedho hedha dandeennannon.

Mageniinxa jaalala duuchchiin wodda hedi! Buutotinna atee’e jijjiiritaaxxi tenneten. Umo atike eetaattexxi yaane hexxoole Mageni atee’e eeyya’neexxa egendottole Isi atee’e jijjiirraan.

Mitti manji ate’e eeyya’neexxa egendatto wodda ate’n laqemaaki irri maachcho? Lumoosha gammadabexxo. Elobaaki irri dademaa? Magenikinna konnee maxaafa yaansisaaki mitti mitti manni ifi gibaaxxanna kule’en. Assitatoxxa yaane jibbitatto? Harooxxe ila kaddetexxa adhdhate’e dandetebexxon. Dulatte hedhonni welt weli lolemate’n hexxetten. Duuchin wodda umo atikike elobaake irra’ni laqenda’n hexxaatteke kaddottole, iitta kinni umo ifika eetebexxoki gididi’ninni kinni jibbitaatekenna gargar manjo kaddetexxa atee’e adhdha gibbottole. Gargar hidheeke orinni ergachcho dandeetabexxon. Woyyichchi maxaafi iitta hiyyaan. Qedino Hendeshan itanden. Tinninna leellisha’neeki ta’anna Mageni eeyya’neeshsha ta’a qico’n hubachcho gophaten.

Mageni eeyya'neeshshanni hubata haranga lumoxxe yaanen.

Mageni mittooma Isinni welt barra barrande'n assitattoshsha hasa'neen. Atixxi jijjiirranna tenne giddo hexxeen. Mageno hedho atixxa edisa gophphaattole ati giddo hedheeka yaado faachcheffattatton. Mageni welt mittooma assitattoxxi ifixxi yanna hexxowaal. Isoo'o eeyyi! Isinna atee'e eeyyaashsha. Isi'aa eetii uwwi! Ulfinna qullichchiinx hedho'n assistottaanna jabaatattoshsha assittaaxxi tenneten.

Yo'oki manni boose'a kademmaxxe'e tenne'e assagonphoolenna mellinaan. Mitti wel manji insa'neexxe bakka'n insa'ne'a asseele melleman. Buuto birsa'issitoxxe! Tenne borreesile yaansisaakinna Mageni welt mittooma afebaaki manji tenne borreesilena'a'n kexxeexxa irri isoo'o qoroole Duriisi "Tinni hujuwwa duuchchaqa heqqita'neeki ateeten" hiyyat kula dande'aan.

Yaane haba'a akeeka dandeetaaxxa ifaken. Duriisi, not Buuto Hana, will have buttocks ass-exxy shiqisaan. Mageno ege'nate'e kutatte ke'i, Isiba'anna raari! Mageniinx hiyyanna Isinni welt mittooma assat atee'e jijjiirtaan. Mageni dandeenno uwwaan. Phawuloosi Filipoossi'ni 4:13 ke'n iitta hiyyaan. Hunna uwwaakke'n Kirisitoosinni duuchchiinx dande'annon. Wele haaso'anexxi tenne butta'n Iyessuusixxe hunnanni hujjabexxoxxi mitte yaanenna hexxebaan.

Ati giddo hexxeexxa rakko Mageni leellishoole rake tarkaaffe adhdhat rakko ettene injiffachhot faachcheffat. Mageniinx jaalala addet adhdhitattokenna Duriisiinka toliinka haaso'a baffatabexxoshsha ku'laneexxa hiyya lolildaaxxe kaddoole injiffachhot tarkaafatannon.

Ta'a elobaake jeeji giddo hedha dandeettatton. Yaane kinni ati giddo harooxxe dada kaddeettaxxe'e addataattexxe kaddoole gargarixxa hedho hexxatton. Kexxettexxi's "Mageno galat geyowaal ani gargar hedhenneken manjon" hitatto qico'n mitte

yaanenna assa dandetabexxon. Mageni, anee'e.

Melledheen. Gedhechiinxen munden ca'a asse'en. Mellemeekishanna ca'a hiyyeeke manjinsha hediyyo hasissaan. Duriisi yo'oxxa cubbo hujonnolenna rakko heexxebaan. Mageni iba anxenna'n anee'e, Ke'isatenna jabeessa dande'aan. Isi balleessennexxa yaane duuchcha gattowaal hiyyaan.

Mageni atee'e eeyya'neexxa egendoottole heene atixxa rakko injifata dande'a. Injifachcho dande'aaxxi mitte yaanenna hexxebaan. Duuchchiniinxi yaane injifattatton. Injifattottaa hassaatte? Yoona konnee qortuma his. Injifattotta hassaattexxi yaane hexxee? Nophpha dandeettattoki konne orinni callan. Heene rakkonna injifattattoki ori hedha gophooleadde aatixxi ate'e fayyisaaki hitateta?

Hedhotike futteessa'n ke'itiiniki nophphichchik ori kadaashsha assite laakko'i. Mageni atee'e eeyyammaxxe'e ate'n hujo'a haseexxa yaane hubat.

Magenoke'n irkatattokenna Isinna eeyyaashsha eeti uwwa atinna eetaattexxe kaddoole ifi'a assitaattekka gongichcho uurrifat foofachcho. Isixxiba'a e'yitatton.

Mageno eetaattekenna eeyya'neeshsha egendeetteke kaddottole ulfinni qullichchiki machcho'eeke manjinsha kaddatton. Tenne yanna'n hedhotike futteessixxe rakko'n injifatendabexxon, buutotinna jaalalat hedho saffetaxxeeten.

Ulfinni qullichchik cuuphemanno wodda taakkeessoxxe sase torbuwwa'a Mageniinxe jaalalanni machcho'eeke manjishan kadeennamman. Mannikinna iitta hiyyaamman. Joyis, maachcho harooxxa yaane alfitette? Haranga gargar hedheeke manjo kaddeetten. Addachchote'e rakkissaaxxen. Hedho atixxe'n dadendeexxi yaane maachcho? Sase agenjinni uduma kunni manni aniba'a dage'exxi iitta hiyyeen. "Hedho atixxe'n dadendeexxi yaane maachchoke?"

Jijiira anxa insa'nee'n hubachchiisa hasissebaan. Uuda dandeenamman. Mageniinxexxa jaalalanni hexxaattexxe kaddoole duuchchi wodda gammaddatoka kaddatton. Dancha manjo hiyyendatton. Hunnatanna jabeenna alfitatton. Manjo gargarrate'e gaabbe affattoke kaddatton. Buutotinna ulfinni qullichchi tenne'e assate'e hunna uwwaan. Hasisaaxxa yaanenna birasa'iseexxi ati'aa uwwaan.

Ifi'aanni iitta hiyyi, “Mageni atee’e eeyya’neen. Haleluya, Mageni, anee’e, eeyya’neen. Ani gargar hedhenneke belton!” Ta’a jabaatte uurri, addet tarkaaffat, addat.

Mageni dhugaadinni atee'e eeyya'neen!

FAYYUNTETIXXA KADHA

Mageni ate'e eeyya'neen, iittanni kinni, atinni welt afensha asso'aa hasa'neen. Iyyesuussi Kiristoosi atike fayyisallishsha assite'e adhdhagopheettexxe kaddoole, ta'a adhdha dandeetatton. Ta'a hedino atixxa iso'n banat, tenne'e kadha kadhat.

"Anna anikee, ani Ate'n fundulat cubbo hujeennexxa ege'neennen, maganneten, ani'aa ba'at, Anee anshi, ca'a assi, belto atike Iyyesuussi adhdhati, adde assedhannon. Isi ani'aa reyeexxa adatannon. Fannote'n hana reyeexxa, anxa bado, cubbo ifi'a adhdheexxa addatannon. Reyotenaa'ninna ke'eexxa addatannon. Ta'a hedho anxa Iyyesuussi'aa sa'isse uwwatee kakataannen.

Anna anke'e, gattowwaaliteenna hegeretixxe hedho'a galateeffataannen. Maganneten Ati'aa hedhannoshsha ane'e gargaari, Iyyesuussike summinni, Hamii'i."

Wodanik kadhatettexxe kaddoole, Mageni laqe'en. Mageni ate'e ca'a asse'en. Iittanni, reytike usurranaa'n gateetten.

Yanna adhdhat konne Woyyichchi Maxaafixxa kuta yaansisatinna towatati, iittanni Isinni welt haarooke hedhotike me'ichcho'n Mageni ate'n haaso'aashsha Iso qori.

Yohaannisi 3:16

1ka Qorontoosi 15:3-4

Effesoon 1:4

Aefeso 2:8-9

1ka Yohaannisi 1:9

1ka Yohaannisi 4:14-15

1ka Yohaannisi 5:1

1ka Yohaannisi 5:12-13

Woyyichchi Maxaafixxi barachchiisa, jabeesse addataaxxa soodachchotika mine, alfate'e gargaartaashsha kadhat Mageno qor. Okkoo'ninna, Iyyeesuusin welt affeettexxa afensha, nossatee jajjabaattatton. Mageni duuchchi wodda, atinni welt hedheen. Isi akeekaa'na, Isixxe barra'ninna yannanni ati'a afeexxa wo'ma hedho, hitta hexxattoxxa leellishaan.

MAGENIINXE JAALALANNI JOYISI

Borreessanjo Joyisi Mayeere Mageniinxi hiyya 1976 GW naa'n saffeexxi barachchiisa'n turteexxi duuchcha yannaxxe ergemat 1980 GW ergachchote'e fo'endeen. Yo'oshsha hasemaaka jiyatami maxaafuwwi iima kadaaka maxxansite'en. Konneeri giddii'n "Nage'a hasa, Mageniinka hafuura caqasa, Mageno ege'nanna Irra ifike'n wel fallaadatika diida fakkataakinna afemaan. Okkoo'n saxxoole kumake'n laakko'endaaxxa Teeppetikanna Viidiyotika kaasseettuwwa shiqise'en. Heddo bakka'ni mammaremat ulfinni qullinchiinxe pirogiramuwwan barachchiise. Joyisi Minika Anna Beevi, shoole oosexxe ama kadaa wodda hedhoti boonni *Mizuuri Seenet Luwisi* heyyemaake loola'niten.



**Mageniiki badhaasi ati'aa
maachchoke kadeexxa ege'na:**

Jijjiirendabaaxxi Jaalala!

Mageniiki badhaasi ati'aa maachchoke kadeexxa ege'na: Jijjiirendabaaxxi Jaalala Mageniinixxi hunna nna jaalala ati'aa telchchonna hexheen. littanni kinni ati araddakenaa'n ati mitteechchokennabaan. Mageni kinni ate'e calla buttatenne'n kaddeeteeshsha atee'e eeyya'neen. Rakkotinna ettenetekada dandeettaan. *Fakkeennake'e*, heddi mannanaa'n ati hubata gopha dandeetatton. Yookin ati ettene eyaane sammote ge'na dandeetatton kinni qalbetike irrinni kinni womi labagopha dandeettaan. Ta'a dandeetatton. Kunni jajjabeesaake maxaafi hunna meette erga giddo ifisaan.

- **Mageniinxu jaalala ati-giddo hexxeexxa hitta ege'na dandeetattoxa.**
- **Ati Magenoke'e dhanfateetteke hite saada hitta uurrisattoxa.**
- **Manbe'a hiyyisaaxxa Mageniinxu Jaalala, illetixxa banensha hitta barannoota assexxettexxa.**
- **Hedho atixxi fuggoke abari-giddo hexxaawodda Mageno hitta alfa dandeetattoxa.**
- **Mageniinixi duuchinwoddixxi jaalalaate'e hitta jijjiirtaaxxa.**

Isexxa hedho jijjiirteexxa isexxa uushshonna illetixxa bansha qoqooda, Joyise Meyeerati'xa shiqqiseexxi boorreesilenna iittanni beekkuminka jechcha ati'a hula banat Maageniinixi jaalla'a ...littanni Ifini ate'n ifowwaal, anishsha!



JOYCE MEYER
MINISTRIES®